

春
明
退
朝
錄

024 11/102

點校說明

春明退朝錄著者宋敏求（一〇一九——一〇七九），字次道，趙州平棘（今河北趙縣）人。宋仁宗寶元二年（一〇三九年）進士，歷知太常禮院、官告院、知制誥、右諫議大夫、龍圖閣直學士兼修國史等職。他與其父宋綬「繼世掌史」，在仁宗、英宗、神宗三朝，以文章見稱於世，凡「朝廷有文命事，未嘗不在選中」，深受宋朝廷信用。他家收藏的圖書十分豐富，號稱「三萬卷」，並且經過親自校讎，在當時最號精密。

本書是一部史料性較強的見聞筆記。作者在自序中稱，自己是「觀唐人洎本朝名輩撰著以補史遺，因纂所聞見繼之」。全書內容，凡記述官誥禮儀、仕宦進擬、差除制度的約占三分之二；另外也有補唐、宋史書所遺的，如卷下所載劉展亂記內容，與新唐書、舊唐書詳略甚殊。由於作者的寫作思想較明確，更由於他長期任禮院、知制誥等職，並曾參與修唐書及宋國史，所見史料非一般文人所能比擬。正因如此，此書歷來受到史學家的重視，續資治通鑑長編、職官分記、皇朝類苑等都多所采錄；也為我們今天研究宋史提供了較有價值的參考資料。

這次整理以百川學海本爲底本，對校學津討原、學海類編、歷代小史本，同時參校宋史、續資治通鑑長編和其他宋人文集、筆記，如有缺點錯誤，希望讀者給予指正。

誠剛一九七九年四月

目錄

卷上	一
卷中	一九
卷下	四
附錄(一)	五
宋諫議敏求墓誌(范鎮)	五
宋史卷二九一宋敏求傳	五
附錄(二)	五
四庫全書總目提要	六

春明退朝錄上

熙寧三年，予以諫議大夫奉朝請，每退食，觀唐人泊本朝名輩撰著以補史遺者，因纂所聞見繼之。先廬在春明里，題爲春明退朝錄云。十一月晦，常山宋敏求述。

國朝宰相：趙令、盧相、文潞公四十三登庸，寇萊公四十四，王沂公四十五，賈魏公四十八。

樞密副使：趙令三十九，寇萊公三十一，晏元獻公三十五，韓魏公三十六。

參知政事：蘇侍郎易簡三十六，王沂公三十九。

知制誥：蘇侍郎二十六，王沂公二十七，盧相、楊文公、晏元獻公、宣獻公、今宣徽使王公拱辰皆二十八，夏文莊三十。

學士：蘇侍郎二十八，晏元獻公、宣徽王公皆三十，宣獻公三十五，王沂公、李邯鄲皆三十六，楊文公、錢子飛皆三十七，盧相、今參政王禹玉皆三十八。

吳正肅言：律令有「丁推」，推字不通少壯之意，當是「丁稚」。唐以大帝諱避之，損其點

畫云。

真宗朝，歲時始賜飲於宰相第，大兩省、待制以上赴，林尚書特以諫議大夫爲三司副使亦預焉。既而并諸副使，遂以爲常。王太尉主會，唯用太官之膳，少加堂餐。自丁晉公助以家饌，至今踵之。

天聖七年，玉清宮災，遂罷輔臣爲官觀使，而景靈、會靈、祥源三官觀以學士、舍人管勾。康定元年，李康靖公罷參知政事，爲資政殿大學士，提舉會靈觀，自後學士皆爲提舉。至和初，晏元獻公以舊相爲觀文殿大學士，提舉萬齡，避家諱也。觀，而武臣今致政李少師端愿爲觀察使，止得管勾祥源觀，自陳於樞府宗袞，宋元憲也。謝朓謂謝安爲宗袞。乃加以都管勾，今朝官亦云提舉，非故事也。

宗袞嘗言：「律云『可從而違，堪供而闕』，亞六經之文也。」

宋景文言：「人之屬文，自穩當字，第初思之未至也。」又曰：「爲文是靜中一業爾。」

本朝置樞密使、副，或置知樞密院、同知院，然使與知院不並置也。熙寧元年，文潞公、呂宣徽爲使，而潤州陳丞相自越州召爲知院。前一歲，陳丞相爲副使，位在呂公之上故也。國初，范魯公、王祁公、魏僕射三相罷，趙令獨相，始置參知政事。自是一相或二相，至咸平中，始有呂文穆、李文靖、向文簡三相。又至至和中，文潞公、劉丞相、富鄭公三相。

太平興國四年，石元懿始以樞密直學士簽書院事。八年，張司空齊賢、王公沔並以諫議大夫同簽書樞密院事。景德三年，馬正惠以檢校太傅、韓公崇訓以檢校太保並簽書樞密院事。治平二年，今郭宣徽爲同簽書院事。

文臣爲樞密使，皆帶檢校太尉、太傅兼本官。乾興元年，錢文僖以兵部尚書爲樞密使，不帶檢校官，有司之失也。

趙德明歸款，真宗賜以宗姓，然不附屬籍。晁文元草制云：「奕世荷殿邦之德，舉宗聯命氏之榮。」寶元二年，元昊叛，詔削屬籍，非也。

唐太宗自撰鄭元成碑，德宗亦撰段秀實碑。

本朝太宗撰中令趙公碑。皇祐中，王侍郎子融守河中還，乃以唐明皇所題裴耀卿碑額

上之，仁宗遂御篆賜沂公碑曰旌賢。其後踵之者，懷忠呂許公。顯忠李忠武。旌忠寇萊公。全德

元老王太尉。教忠積慶文潞公父伯。親賢李侍中用和。褒親齊國獻穆公主。「二」旌功曹襄悼。舊學晏元

獻。崇儒丁文簡。舊德張鄧公。顯先積慶趙中令子承詔。「三」旌忠懷德張侍中耆。儒賢高文莊。褒賢阮

文正。思賢劉丞相沆。清忠王武恭。旌忠元勳狄武襄。褒忠陳恭公。純孝張文孝。英宗御篆忠規德範

宋元憲。上御篆淳德守正呂文穆。大儒元老賈魏公。

國朝歷三師、三公者，太祖即位，天雄節度符魏王彥卿，自守太尉爲太師，定難節度、

西平王李中令彝興，自守太傅爲太尉，荆南節度、南平王高中令保融，自守太保爲太傅。

趙令以司徒、太保、侍中在中書，以太保、中書令留守西京，又以太師西京養疾。王文正以司空、司徒、太保在中書，以太尉罷爲玉清昭應宮使。

范魯公以司徒在中書，王祁公、薛文惠、呂文穆並以司空在中書，丁晉公、馮魏公、王冀公並以司空、司徒在中書，韓魏公以司空在中書，司徒爲節度侍中，曹襄悼、文潞公並以司空爲樞密使、侍中，呂文靖罷相，以司徒監修國史，曾魯公以司空爲節度、侍中。

呂許公以太尉致仕，張鄧公、曾魯公並以太傅致仕，陳恭公以司徒致仕，李相昉、張相齊賢、章郇公、宋鄭公、富韓公並以司空致仕。

國朝宰相爲僕射，魏公仁浦、趙令、薛文惠、沈恭惠、宋惠安、李文正、呂文穆、呂正惠、李文靖、張司空、王文正、向文簡、王冀公、寇萊公、呂許公、王沂公、賈魏公、陳恭公、韓魏公、文潞公、富鄭公、曾魯公二十二人，樞相爲僕射，陳文忠、曹襄悼、張榮禧、王康靖四人，樞密使爲僕射，石元懿一人。

列聖神御殿，始咸平初，真宗令供奉僧元藹寫太宗聖容於啓聖院，後玉清昭應宮範金祖宗像，餘多塑像。其殿名，在京曰慶基，奉先禪院，奉宣祖。開先，太平興國寺奉太祖。二聖，玉清昭應宮，奉太祖，太宗同殿，見上。永隆，啟聖院，奉太宗，見上。安聖，玉清昭應宮，以下並奉真宗。奉真，景

靈宮。崇真、慈孝寺。延聖、萬齡觀。永崇、崇先觀。孝嚴、景靈宮，奉仁宗。英德、景靈宮，奉英宗。在外曰：章武、楊州建隆寺，以下奉太祖。興元、西京應天院。端命、滁州。帝華、西京應天院，以下奉太宗。統平、太原府。昭孝、西京應天院，以下奉真宗。信武、澶州。集真、華陰雲臺觀。又鳳翔太平宮有祖宗神御殿，南京鴻慶宮有三聖神御殿，西京永安縣會聖宮有五聖神御殿，今京師定力院有太祖御像。國初待詔王藹畫。諸后影殿，曰重徽、奉先禪院，奉明德太后，章穆皇后同殿。彰德、慈孝寺，奉章獻太后。廣孝、景靈宮，奉章懿太后。廣愛、萬齡觀，奉章惠太后。

開寶八年十一月，江南平留，汴水以待李國主舟行。盛寒，河流淺涸，詔所在爲壩閘，澑水以過舟。官吏擊凍督役稍稽，則皆何校，甚者劾臯，以次被罰，州縣官降敕而杖之者，凡十餘人。

舊制，將相食邑萬戶，即封國公。王太尉爲相，過萬戶，而謙挹不封。慶曆七年，南郊，中外將相唯夏鄭公合萬戶，中書請封英國公。因詔使相未滿萬戶皆得封，於是王康靖封遂國公，章文簡封郇國公，王武恭封冀國公。其後遂以邑封合萬戶者微國。〔四〕

國朝以來，封國公者：范侍中、魯。王文獻、祁。向侍中、拱、譙、秦。靜難節度劉公重進、燕。保大節度趙公贊、衛。定國節度馮公繼業、梁。張侍中永德、鄧、衛。張尚書昭、舒、鄭、陳。孟中令昶、秦。王中令彥超、郇。趙中令、梁、許、陳。呂文穆、秦、徐、許。寇忠愍、秦。丁秘監、胥。馮文

懿、魏。曹襄悼、韓、魯、鄆。王文穆、冀。張榮僖、岐、鄧、徐。呂文靖、申、許。王文正、沂。張文懿、鄧、鄧。章文簡、郇。夏文莊、英、鄭。王康靖、遂、鄧。王武恭、祁、冀、魯。賈文元、安、許、魏。陳恭公、英、岐。文侍中、潞。杜正獻、祁。宋元憲、莒、鄭。龐莊敏、潁。韓侍中、儀、衛、魏。曾侍中、英、兗、魯。富相。祁、鄭、韓。

太子謚：昭成、許王元僖，初謚恭孝，改。悼獻。周王元祐。

諸王謚：悼、魏王廷美。懿、魏王德昭。康惠、秦王德芳。〔五〕恭憲、楚王元佐。恭靖、陳王元邠。文惠、安王元傑。恭懿、鄧王元偓。恭惠、曹王元偁。恭肅、燕王元儼。懷靖、襄王昉。悼穆、豫王昕。悼懿。鄂王義。

公主謚：恭懿、宣祖女，燕國大長公主，降高懷德。賢肅、太祖女，秦國大長公主，降王承衍。賢靖、太祖女，晉國大長公主，降石保吉。恭惠、太祖女，許國長公主，降魏咸信。初謚正惠，改。英惠、太宗女，燕國長公主，降吳元扈。和靜、太宗女，晉國大長公主，降柴宗慶。懿順、太宗女，鄭國長公主，降王貽永。慈明、太宗女，申國大長公主，報慈正覺大師清裕。獻穆、太宗女，齊國大長公主，降李遵勉。昭懷、真宗女，出俗爲道士，號清虛靈昭大師。莊孝。仁宗女，楚國大長公主，降李瑋。

宗室謚：恭裕、申王德文。康孝、南陽郡王惟吉。安懿、濮王。孝定、相王允弼。榮易、定王允良。恭肅、廣平郡王德隆。思恪、永嘉郡王允迪。懿恭、平陽郡王允升。僖簡、信安郡王允寧。康簡、廣陵郡王德離。

循國公承慶。和懿、定安郡王承簡。恭僖、舒國公承蘊。僖靖、同安郡王惟正。僖穆、丹陽郡王守節。安僖、榮王從式。楚國公從信。安簡、信都郡王德彝。安恭、博平郡王允初。慈惠、申國公德恭。僖安、楚國公守巽。和惠、河東郡王承衍。惠恪、楚國公從古。僖溫、遼寧郡王承範。良靜、魏國公宗懿。恭簡、韓國公宗禮。良、祁國公宗述、吉國公克紹。昭裕、遼國公宗顏。脩孝、南康郡王世永。恭靜、樂平郡王承亮。康僖、光國公克廣。榮僖、陳國公承錫。恭、昌國公世滋。

宰相謚：文獻、王祁公溥、改文康。宣懿、魏僕射仁浦。忠獻、趙中令普。文惠、薛相居正、陳相堯佐。

恭惠、沈相倫。惠安、宋相琪。文正、李司空昉、王太尉旦。正字犯仁宗嫌名。正惠、呂相端。正字犯仁宗嫌名。

文穆、呂許公蒙正、王冀公欽若。文定、張司空齊賢、李相迪。文靖、李相沆、呂許公夷簡。文簡、畢相士安、向相

敏中。忠愍、寇萊公準。文懿、馮魏公拯、張鄧公士遜。文正、王沂公曾。文節、張相知白。章惠、王相隨、改文

惠。文憲、章鄆公得象、改文簡。元獻、晏公殊。正獻、杜祁公衍。恭、陳相執中。文元、賈魏公昌朝。莊敏、

龐穎公籍。元憲。宋鄭公庠。

樞密使謚：元靖、李公崇矩。景襄、楚公昭輔。元懿、石僕射熙載。恭懿、王公繼英。文莊、高公若

訥。宣簡、田公況。惠穆。呂公弼。

樞密使、相謚：武惠、曹侍中彬。文忠、陳僕射堯叟。襄悼、曹侍中利用。榮僖、張侍中耆。文僖、錢

公惟演思改。恭毅、楊公崇勳，恭密改。文康、王相晦叔。康靖、王侍中貽永。文莊、夏鄭公竦。武恭。王公

德用。

參知政事謚：文懿、郭尚書贊、孫少傅朴。文恭、李公穆。景肅、趙公昌言。康節、辛少傅仲甫。恭

肅、溫尚書仲舒。惠獻、王尚書化基。文定、趙右丞安仁、石少師中立。文僖、陳公彭年。康懿、任尚書中正。

肅簡、魯公宗道。〔六〕簡肅、薛公奎。宣獻、先公。文忠、蔡公齊。文肅、盛少傅度、吳公奎。忠憲、韓少傅億。

忠穆、王公禔。康靖、李少傅若谷。文莊、晁公宗慤。安簡、王尚書舉正。文正、范公仲淹。正肅、吳公育。

文烈、明公鎬。〔七〕文簡、丁右丞度。康穆、程公戡。文安、王公堯臣。質肅。唐公介。

樞密副使、知院、同知院謚：宣靖、錢鄧州若水。恭質、宋公湜。景莊、王公嗣宗。正惠、馬公知

節。正字犯仁宗嫌名。安惠、周侍郎起、任少傅中師。武穆、曹公璋。忠獻、范尚書黼。僖質、趙少師祺。憲成、

李侍郎咨。文孝、張左丞觀。文肅、鄭公戩。恭惠、任少師布。威敏、孫公沔。孝肅、包公拯。文恭、胡少師

宿。忠簡。王侍郎瞻。

使相謚：恭惠、安仲王審琦。元靖、王中令景。正懿、高中令保融。正字犯仁宗嫌名。武烈、石中令守信。

莊烈、何中令福進。恭孝、孟中令昶。武穆、高公懷德。忠順、陳公洪進。忠懿、錢中令俶。莊武、李侍中繼

勳、石公保吉。安僖、錢侍郎惟濟。莊惠、宋太師偃。恭惠、張侍中美。忠武、李公繼隆。武惠、潘公美。忠

肅、王公顯。榮密、柴公宗慶。恭密、楊公崇勳。恭僖、李侍中用和。文簡、程相琳。良僖。李公昭亮。

文臣謚：文安、宋尚書白。文莊、江陵楊公。忠定、張尚書諫。文恭、薛尚書映。忠肅、馬少保亮。文、楊侍郎億。恭惠、李中丞及。文元、吳少傅迥。宣、孫少傅爽。康肅、陳公堯咨。章靖、馮侍郎元。宣懿、楊侍郎察。恪、李右丞昭述。景文、宋尚書祁。襄、余尚書靖。恭安、張尚書存。莊、李尚書兗。修懿、錢左丞明逸。懿敏、王尚書素。懿靖。李少師東之。

武臣謚：溫肅、杜公審肇。恭僖、杜公審瓊。恭惠、杜公審進。武毅、曹公翰、崔公翰。忠武、郭公守文。勤威、馮公守信。和惠、王公昭遠。恭肅、王公承衍。忠惠、吳公元扆。元惠、周宣徽瑩。武康、王公超。武懿、曹公瓌。忠毅、彭公叡、周公美。恭莊、張公潛。宣惠、錢留後惟濟。和文、李公遵勉。壯恪、夏公隨、王公凱。安毅、鄭公守忠。忠僖、夏宣徽守贊。忠隱、葛公懷敏。壯愍、劉公平、任公福。恭壯、高公化。壯定、楊留後景宗。忠恪、曹公琮。密、郭宣徽承祐。良惠、劉觀察從廣。榮毅、許公懷德。良定、李留後端懿。勤惠。張公孜。

外戚謚：武懿、劉公通。康懷、劉從德。安僖、曹公玘。恭懷、曹公傳。景思。張堯封。內臣謚：忠肅、劉承規。安簡、王承勛。僖靖、藍繼宗。安恪、盧守勲。僖恭、王惟忠。安僖、岑守素。僖良、皇甫繼明。良恪、張永和。榮恪、藍元用。忠安、張惟吉。僖勤、史崇信、石全育。僖恪、劉從愿、鄧保吉。威勤、麥允言。〔八〕僖安。王守忠。

任恭惠與呂許公同年進士，而同爲博士。恭惠登樞，年耆康彊。許公時尚爲相，嘗所

歎羨，詢其服餌之法，恭惠謝曰：「不曉養生之術，但中年因讀文選有所悟爾，謂『石韞玉以山輝，水含珠而川媚』也。」許公深以爲然。

父子掌誥，國初至熙寧元年，凡九家：李文正、昌武，正字犯仁宗嫌名。王兵部、文正。王惠獻、安簡。晁文元、文莊。錢希白、脩懿。梁翰林、莊肅。呂文靖、仲裕。宣獻公、敏求。蘇儀甫。子容。

咸平六年，併三部爲三司使，官輕則爲權使公事。慶曆中，葉翰林道卿再總計，止云「權使」，蓋中書誤也。其後遂分權使與使公事爲兩等。

舍人院每知制誥上事，必設紫褥於庭，面北拜廳，閣長立褥之東北隅，謂之「壓角」。宗袞作掖垣叢誌而不解其事。按唐舊書亦無聞焉，惟裴廷裕正陵遺事云：「舍人上事，知印宰相當壓角。」則其禮相傳自唐也。予爲舍人日，邵興宗入院，不疑爲閣長，壓角，時議美之。

太平興國中，始置譯經院於太平興國寺，延梵學僧翻譯新經。始以光祿卿湯公悅、兵部員外郎張公洎潤色之，後趙文定、楊文公、晁文莊、李尚書維，皆爲譯經潤文官。天禧中，宰相丁晉公始爲使。天聖三年，又以宰相王冀公爲使，自後元宰繼領之，然降麻不入銜。又以參政、樞密爲潤文，其事寢重。每歲誕節，必進新經，前兩月，二府皆集，以觀翻譯，謂之「開堂」，亦唐之清流盡在也。前一月，譯經使、潤文官又集，以進新經，謂之「閉堂」。慶曆三年，呂許公罷相，以司徒爲譯經潤文使，明年致仕，章郇公代之，自後降麻入銜。

宗袞嘗曰：「殘人矜才，逆詐恃明，吾終身不爲也。」亦繇唐相崔渙曰：「抑人以遠謗，吾所不爲。」

予治平初，同判尚書禮部，掌諸處納到廢印極多，率皆無用。按唐舊說，禮部郎中掌省中文翰，謂之「南宮舍人」，百日內須知制誥。王元之與宋給事詩云：「須知百日掌絲綸。」又謂員外郎爲「瑞錦窠」。員外郎廳前有大石，諸州府送到廢印，皆於石上碎之。又圖寫祥瑞，亦員外郎廳所掌。令狐楚元和初任禮部員外郎，有詩曰：「移石幾回敲廢印，開箱何處送新圖」是也。今之廢印，宜準故事碎之。

唐內人墓，謂之「官人斜」，四仲遣使者祭之。見唐人文集。

京師街衢置鼓於小樓之上，以警昏曉。太宗時命張公洎製坊名，列牌於樓上。按唐馬周始建議置鑿鑿鼓，惟兩京有之，後北都亦有鑿鑿鼓，是則京都之制也。二紀以來，不聞街鼓之聲，金吾之職廢矣。

太常寺，國初以來，皆禁林之長主判，而禮院自有判院、同判院。大中祥符中，符瑞繁縟，別建禮儀院，輔臣主判，而兩制爲知院。天禧末，罷知院。天聖中，省禮儀院。而寺與禮院事舊不相兼。康定元年，置判寺、同判寺，並兼禮儀事。近有至六七人者。按唐太常置卿一員，少卿二員，博士四員。祥符中，置博士二員，後加至四員。今若置判寺一員，同

判寺二員，則合唐之卿數矣。天聖元年，改同判院爲同知院，卽博士也。

太常寺舊在興國坊，今三班院是也。景祐初，燕侍郎肅判寺，廳事畫寒林屏風，時稱絕筆。其後爲判寺好事者竊取之。嘉祐八年，徙寺於福善坊，其地本開封府納稅所，英宗在藩邸，判宗正寺，建爲廨舍。既成而已立爲皇子，遂爲太常所請焉。

端拱中，兩掖六舍人，既而田錫罷職，知陳州，頃之，宋湜貶均州團練副使，王元之商州團練副使。熙寧二年，閣老錢君倚守江寧。明年，予自請出院，李才元、蘇子容皆落職，惟吳冲卿權三司使，不供職，閣下無人草制，遂命二直院焉。

開寶二年，李文正正字犯仁宗嫌名。中書舍人、盧相以知制誥，並命直學士院。六年，知制誥張公澹直學士院。太平興國元年，湯率更悅、徐騎省鉉直學士院，王梓州克正、張侍郎洎直舍人院，四人公皆江南文士也。至熙寧二年，復置舊官。

唐制，宰相四人，首相爲太清宮使，次三相皆帶館職，洪正字犯宣祖廟諱。文館大學士、監修國史、集賢殿大學士，以此爲次序。本朝置二相，昭文、修史，首相領焉，集賢，次相領焉。三館職，惟修史有職事，而頗以昭文爲重，自次相遷首相乃得之。趙令初拜，止獨相，領集賢殿大學士，續兼修國史，久之，方遷昭文館。薛文惠與沈恭惠並相，薛自參政領監修，拜相仍舊，而沈領集賢。畢文簡與寇忠愍並相，而畢領監修，寇領集賢。王太尉獨相，亦止領

集賢。近時王章惠、龐莊敏初拜及獨相，悉兼昭文、脩史二職，非舊制也。

文臣自使相除樞相，罷節而還舊官。景祐元年，王沂公自使相帶檢校官，復爲吏部尚書、同平章事，充樞密使。慶曆七年，夏鄭公自使相入樞，仍帶節度使，亦非舊制也。

太祖、太宗時，文臣爲使相，惟趙令一人。真宗時，寇萊公、王冀公二人，節度使李南陽一人。乾興後，難遽數矣。

唐文武參用，袁滋自尚書右丞出華州刺史，召爲左金吾衛大將軍，如是者數人。本朝頗循其制，工部侍郎王公明兼黃州刺史，給事中喬公維岳換海州刺史，三司使、尚書左丞李公士衡換同州觀察使，學士承旨、刑部尚書李公維換相州觀察使，翰林學士、工部侍郎陳公堯咨換宿州觀察使。如錢鄧州及慶曆初韓、范、龐、王四公，皆換觀察使，以用兵擢之也。龍圖閣直學士馬公季良換秦州防禦使，非美遷也。

武臣換文資者，太宗時，白州刺史錢昱換祕書監，遷工部侍郎，復換觀察使。

真宗優待王冀公，景德中，罷參知政事，始置資政殿學士以命之。宰相寇萊公頗抑之，令班翰林之下，乃命爲大學士。冀公請鑄印，不許，遂領尚書都省，以都省自有印也。

後唐明宗以樞密使安重誨不通文義，置端明殿學士，以翰林學士馮道、趙鳳爲之，班樞密使之後，食於其院。端明殿即西京正衙殿也。本朝程侍郎羽爲之，後隨殿名改爲文明殿。